

13 NOV 2017 (BERITA HARIAN)



TIMBALAN Ketua Pesuruhjaya Operasi Angkatan Pertahanan Awam Malaysia, Roslan Wahab bergambar bersama pelatih pada Majlis Pentauliahan Pasukan Pelatih Institusi Kemahiran Angkatan Pertahanan Awam Malaysia (Pelatih APM) Politeknik Malaysia 2017 di Politeknik Sultan Salahuddin Abdul Aziz Shah, Shah Alam, petang tadi. - Foto Mohd Asri Saifuddin Mamat

Latihan pengurusan pusat pemindahan perlu jadi modul

Oleh Ruwaida Md Zain

bhnews@bh.com.my

SHAH ALAM: Latihan pengurusan pusat pemindahan perlu dijadikan modul baharu dalam kurikulum Pelatih Angkatan Pertahanan Awam Malaysia (APM) di politeknik dan kolej komuniti.

Timbalan Ketua Pesuruhjaya Operasi Angkatan Pertahanan Awam Malaysia, Roslan Wahab berkata, modul itu sebagai persediaan kepada pelatih APM berikutan peningkatan bencana banjir di seluruh negara kebelakangan ini.

"Trend bencana semakin banyak, seperti di Pulau Pinang baru-baru ini dalam tempoh singkat hujan lebat dan banjir, pusat pemindahan dibuka tetapi tenaga yang ada tidak mencukupi.

"Saya hendak mencadangkan kepada pengurusan APM untuk merombak latihan dengan memasukkan modul latihan pengurusan pusat pemindahan (banjir) ke dalam program Pelatih APM.